

Fu posto, per li Savii, scriver una letera a l'orator nostro in corte: come a dì 18 li fo scritto con li sumari di Costantinopoli, hora lo avisemo aver questi avisi di Soria, qual comunichi col Papa.

Et lo Marin Sanudo, parendomi non esser a proposito cussi presto comunicar al Papa queste nove, voleva indusiar venisse lettere di l'orator nostro predito, per quello arà dito il Papa, qual arà auto aviso per via di Ragusi; con altre parole, exortando il Consejo a non prender la lettera, ma non mi valse. Andò la lettera: 21 de no, 163 di la letera de scriver, et fu presa; e fo mala opinion la mia.

Fu posto, per li diti, scriver a l'orator in Franza questi sumari, quali debbi comunicar con la Christianissima Maestà. El simele scriver in Ingaltera, a l'orator nostro a Milan, al secretario nostro in campo, a li Provedadori zenerali, et in Hongaria. Ave 2 di no et fo presa.

Fu posto, per li Savii tutti, una letera al rezimento di Corfù, come li mandemo 3 lettere: una al baylo di Costantinopoli, l'altra al consolo di Damasco, l'altra al consolo di Alexandria, però le mandino subito. Et la letera si scrive al dito consolo di Damasco è: Come havendo inteso la vitoria di la excellentia dil Signor, debbi andar a la sua presentia, et dirli come havemo electi do oratori nostri a congratularse di tal vitoria con soa excellentia, dai qual amplamente intenderà il piacer avemo auto etc. Fo presa.

Fu posto, per li Consieri e Savii grandi e de terra ferma e Provedadori sora i denari, far per scurtinio nel Mazor Consejo, Governador a la Zefalonia, Capitano in Cadore, Conte a Cherso e Ossero, Castelan a Liesna, et li Zudexi di petizion, et questo per trovar danari; la qual parte non se intendi presa se la non sarà posta et presa nel nostro Mazor Consejo. Et li Provedadori a trovar danari *etiam* loro si feno notar in questa opinion, et fu presa: ave 2 non sincere, 4 de no, 120 de si.

61* *Scurtinio di do oratori all'illustrissimo Signor turcho, con pena justa la parte.*

Sier Thomà Contarini, fo consolo in Alexandria, qu. sier Michiel . . . 26.130

† Sier Domenego Trivixan procurator et cavalier . . . 103. 52

Sier Hironimo da cha'da Pexaro, che è capitano a Padoa, qu. sier Beneto procurator . . . 48.117

Sier Francesco Foscari, el cavalier procurator . . . 41.123

I Diarii di M. SANUTO. — Tom. XXIII.

Sier Zorzi Emo procurator qu. sier Zuan el cavalier . . . 23.146

Sier Antonio Zustignan el dotor, fo Savio dil Consejo . . . 82. 86

Sier Zorzi Corner el cavalier procurator . . . 57.107

Sier Zuan Paulo Gradenigo, è provedador zeneral in campo . . . 28.136

Sier Christofal Moro, fo savio dil Consejo, qu. sier Lorenzo . . . 67. 98

Sier Bortolameo Contarini, el consier, qu. sier Polo . . . 39.123

Sier Polo Capello el cavalier, fo savio dil Consejo . . . 83. 85

† Sier Lunardo Mozenigo, fo podestà a Padoa, qu. Serenissimo . . . 88. 80

Sier Andrea Trivixan el cavalier, fo capitano a Padoa, qu. sier Tomà procurator . . . 76. 87

Sier Hironimo Justinian procurator . . . 57.103

Sier Piero Lando savio dil Consejo, qu. sier Zuanne . . . 69. 98

Non. Sier Andrea Griti el procurator, per esser rimasto Capitano zeneral da mar.

Et rimasti questi do oratori, fono chiamati a la presentia dil Principe che rispondeseno si voleauo andar; li quali si seusono aver passà cadaun di loro anni 70, nè poteano per le leze esser astreti; et toleno termene a esser insieme e venir in Colegio, poi *tamen* refuderano. *Hoc non obstante*, fo scritto questa sera a Roma, in campo, a Milan, Franza e Ingaltera li sumari auti di tal nove et li do oratori electi al Signor turcho.

Fu posto, prima si facesse il scurtinio di oratori, una parte per li Consieri, Cai di XL, e Savii: atento fusse preso a dì 11 de l'istante, che tutti quelli sono in li rezimenti, ofici e consey potesseno esser rielecti in quelli, et el non fazi per la Signoria nostra questa clausula per molti respeti, però l'anderà parte: che in questo articolo sia revocato, excepto li XL quali possano esser electi; et dita parte non se intendi presa si la non sarà posta e presa in Gran Consejo. Et fu presa. Ave una non sincera, 9 de no, 137 de si.

Fo mandato in campo in questa sera ducati 2000.